



驅豎齋詩鈔

鳳

2824  
2



2824  
2



百峰曰三首工力  
相敵

月洲曰北雄二字  
生硬

驅豎齋詩鈔卷之二

男

貞亮

義悟

同校

粟津早發

湖心落月影猶明。雪曉天高膳所城。油幕轎中寒徹  
耳。蕭騷風霰打松聲。


賤嶽

江越相隣一道通。亂山壁立大湖東。豐公用武何奇  
絕。突此嶮嶮擒北雄。

中川公墓

驅豎齋詩鈔卷之二

一〇



昭和廿三  
十一月廿二日

月洲曰中川公得此頌真可無恨

雲如曰痛快

小竹曰英雄數奇

一絕可以慰幽竟

矣

百峰曰集中大篇以此等為巨擘

百峰曰借景語見地勢甚佳

月洲曰比喻妙

雪壓寒村徑劣通。孤墳老檜落暉中。茶山埋骨應無恨。破越當年第一功。

賤嶽懷古

絕代英雄有誰傳。叱咤所向敵投矛。山陽雄藩鵠蜚翅。京南躍馬賊授頭。為主復讐伸大義。威風凜凜六州。三路軍容機未發。北道溪雪無策投。南軍制先猶多筭。築起五寨搯其喉。大湖漫漫限南北。越山連濃萬仞抽。北軍雖多用無地。長蛇盤屈據小邱。壯士頓足良驥嘶。馳突乘曉勝一籌。笑言魚也受吾餌。炬火烘天照驛郵。揮鞭打破長蛇腹。首尾異所救無由。

月洲曰一韵到底尤見骨力結末陡舉可喜

百峰曰盛暑讀此猶覺肌髮共寒

貞亮曰結末益有寓意放夕陽或作見日光

鼓聲動地山岳坼。刀槍相擊亂躡蹻。一夜戟骨高於阜。十里曠原血欲流。五幣紙爛委泥土。千瓢金輝山月收。誰言兩虎不相活。犬羊何曾當貔貅。只今夾路唯農舍。桑麻藹藹鳴鵲鳩。

中河內

谷回老林吼寒風。山抹凍雲斜照中。冰雪三尋別天地。一村人住水晶宮。

越城偶成

霖雨冥濛半月強。綠陰深處易昏黃。天風一陣豈無意。驅逐頑雲放夕陽。

贈前田梅洞

文運雖隆多噉名。誰將實學報昇平。雄藩儒教君須力。化俗難於陷一城。

月洲曰奇想

過新田左中將墓

十里寒郊七尺碑。忠魂一片委蓬茨。雪風如鏃無由避。想見將軍戰死時。

雲如曰亦奇想  
小竹曰雪風雖慘  
春風後來開花結  
實何怨

丙午七月十二日。從越前歸至長濱。會暴風雨。水沒驛道。津梁皆斷。待晴數時。買舟渡坂本。有此作。

雨怒風呵曉正狂。姉川妹澤絕津梁。草沈水底一丈

百峰曰物體當作  
古風讀

雲如曰七八頗似  
老杜

許路就山腰五里強。濃國以東天若赭。越州之北星舍芒。湖心蕩漾寒波影。七月冷於九月霜。

舟中

濃山欲雨越山晴。短舸斜分半鏡明。誰道客心爭日月。也逢風景滯歸程。

百峰曰輕脆亦可

賀坂本清純八十初度

甘雨和風草木伸。壽筵正遇太平春。羨君三折切全就。便是杏林高卧人。

雲如曰杏林高卧  
寺下得殊妙

圍碁

對局如臨陣。先人必制人。輸贏分一子。勇決勿因循。

韓非子

仁人用仁術。天下豈難為。可憎舞文筆。毒手假韓非。

李予

墳上懸刀不自欺。衣冠一會見安危。禍機忽起蕭牆內。無奈舉家豚犬兒。

晏子

王威委土一毛輕。狼虎羣中有老嬰。掩豆豚肩勞幾許。獨將節儉博聲名。

范蠡

勾踐亡吳第一臣。功名畢竟易危身。五湖煙水平於

月洲曰全篇無警句似索隱述贊

百峰曰詠古諸作是為全格

小竹曰春字暗寓夷光

席。管領人間無限春。

范增

項劉逐鹿競雄豪。白首看棋一著高。儻使重瞳明若鑑。岷峨長鎖卯金刀。

孫權

三世餘威勢未頽。滿天烈火北軍驚。一生不負阿兄語。保國御臣何及卿。

魏文貞

大宗量似海。徵也氣如虹。誰料貞觀美。出斯田舍翁。

韓蘄王

百峰曰可占范蠡作頡頏

小竹曰僕亦嘗賦  
曰中興銳氣挫和  
親忠武何由復致  
身西湖應與批源  
似携酒騎驢避賊  
秦三四同意書以  
乞正

貞真曰起句或作  
去上未知忠簡名  
小竹改作誰道黎  
渴妨盛名  
月洲曰施全刺槍  
不克亦足破膽恨  
山人題咏不及

金虜驚奔戈一揮。破淮連捷逞天威。廟廊有賊除難  
得。湖上騎驢避禍機。

岳武穆

利害見機元屬智。精忠報國不思危。岳王墳上春如  
錦。便是人間天定時。

讀胡澹庵封事

天下未曾傳大名。一篇封事古今轟。筆鋒抉破姦兇  
膽。勝擊驕胡百萬兵。

文文山

不居元虜地。幽室宋乾坤。一死無他語。精忠報國恩。

張子房

擊秦報故國。佐漢非謀身。公也忠兼勇。高祖不呼臣。

築耳房

晞雪燈  
書屋 二首

耳房落成。余匆忙未暇閑棲。而半為子弟所  
占。類所謂為人造嫁衣者。為之一笑。

數楹築起一茅廬。茶竈書牀置有餘。高卧納身定何  
日。不妨兒輩作鳩居。

三畝林園半畝池。菜根蓮藕美如飴。送花迎月纔容  
膝。匹似鷓鴣巢一枝。

偶成

百峰曰經史中唯  
推二老確乎不可  
動

馬聖賢詩鈔卷二  
五十光陰忙裏馳。老軀惜歲見何遲。賦詩不得驚人  
句。寫字終無躍馬姿。史冊千秋慕諸葛。聖門一道仰  
朱熹。書生休覓帳中秘。逸氣如虹知者誰。

詠竹

虛心不屈冒嚴霜。勁節凌天百尺長。檻外迎風時戛  
玉。窓前篩月忽成章。韻人高士皆朋友。翠尾彩翎如  
鳳凰。我有菜園三十頃。移栽好逸讀書堂。

又

不將馥郁喜芝蘭。未必嬋娟愛牡丹。勁節虛心平日  
志。讀書窓外種君看。

自題肖像

逸居恰似坐低蓬。天出奇才忌大功。醫國忠言嫌苦  
烈。呈文氣脉欠流通。芙蓉不及松柯勁。蚯蚓却哈蛛  
網工。痴也頑乎任相笑。散人只合老山中。

題画

泉聲戛戛夏山深。茅屋成村隔茂林。中有閑人詩未  
就。松風冷處坐橫琴。

斷機圖

三遷賢母育賢才。當世紛紛道欲頽。截斷麻絲機上  
布。織成天地大經來。

百峰曰紛紛二字  
暗起後二句妙  
月洲曰咏古詩警  
此篇靈卷有拖園

結義詩亞之今不  
登錄不知何故

武侯

將相器材真絕群。匹他伊呂立元勳。襄陽奇士明如鑑。呼取潛龍忽起雲。

蘓文忠

峩眉山骨鬱崔嵬。天出奇才人妬才。文似大江流不止。波瀾千歲響如雷。

過槐山

金湯跡古艸離離。來省春光濯錦時。當日豪華尚堪想。萬槐花似萬蛾眉。

浪華燕尾樓

貞亮曰豪語却是  
傷心之極

雲如曰二首浪華  
真景

月洲曰客中佳况

小閣臨流燕尾磯。澱江浪暖櫓聲肥。煙花風月多奇景。幾日留人不放歸。

六百餘街八水流。輸京塩鐵鯉魚柔。夜深陌上無人語。月掛金城第一樓。

攝尾通京水路開。泉頭分港海船來。肩摩轂擊錢如玉。萬貨千珍積作堆。

長橋當檻曉模糊。細雨絲絲城欲無。忽有畫商呼夢醒。來售一幅小西湖。  
西湖圖畫葭葭堂所摹

秋日遊圓山

鴨岸楓紅夕照奇。葛原松翠暮嵐垂。胸懷有未委塵



慶。纔遇風光吐小詩。

茶博士千宗室見招

百代高風人所知。松戾水鐘尾戾匙。梅花未報初陽信。春滿床頭一幅詩。

百峰曰未句何謂當加自注

芭蕉翁肖像

服非釋氏首非儒。道骨仙風山澤癯。一句工夫經百鍊。每逢佳景吐明珠。

長松院南禪寺

遮斷塵緣養道心。松風稷稷似彈琴。門前飛閣高千尺。夢此山房禪味深。

雲如曰高趣可想

天授菴同上

松翠楓紅護化城。斜陽欄外暮山橫。喫茶半日幽情足。幾道寒泉落有聲。

如春堂書懷順正書院

百峰曰古淡敘情不意先生亦探陶王之域也

世路難着脚。逸居養老慵。積玉不待價。散髮如飛蓬。體胖時馮字。境靜意亦空。南軒秋宵月。北窓夏日風。屋後餘三畝。當歸雜川芎。炊煙榻拙火。炮炒可治癰。太上有立德。其次有立功。功德遂何物。拙者能使工。危器易顛覆。智士未免窮。兩虎不相活。爪牙互交鋒。誰不悟此意。事勢古今同。心地明於鏡。眉宇壽山崇。

月洲曰可當山人小傳

雲如曰詩之妙亦在不雕琢處

百峰曰人人同歎先言其所欲言月洲曰一架可羨

百峰曰伏羲突來佳兒亦突來此等之作讀者唯當推意解得也

月洲曰白描自佳

饑食與渴飲。瘦妻共痴童。矮屋不雕琢。繩床好安躬。

除夕

世事忙忙歲欲除。鬢毛恰似帶霜疏。半生日月消磨盡。一架猶餘未讀書。

元旦口號

東軒喜雀日熙熙。起著新衣拜伏羲。知否我家真樂地。屠蘇對酌兩佳兒。

人日

青帝慳春未到梅。庭陰臘雪尚成堆。寒門令節無人賀。依例村翁賣菜來。

築宅

東隣求隙地。築起十餘楹。古壁柱全朽。新池泉始清。輸泥驅懶豎。移石課書生。白髮梳無暇。鬢髮坐晚晴。

夜雨感懷

財利紛紛動污人。也知名望易危身。山齋臥聽滂沱雨。一洗胸間萬斛塵。

春日涉桂川口占

桂川經雨水吞梁。雲霧前山碧放光。衣袂飄飄路十里。細風日暖菜花香。

謁龍壽有馬先生墓

月洲曰先生高興墜子頗苦

百峰曰個是先生失財懊惱因極之作

宮原栗邨曰如画

森田節齋曰佳詩  
百峰曰感傷動人

上甲南洋曰流暢  
可喜

百峰曰難得此知  
已

結髮荷慈教。京城幸作家。消埃無所報。衝雨奠蘋花。

下奧裳川舟波舟中作

兩岸青山曲曲奇。奔流十里艇如馳。詩人枉作岷峨  
眷。宛似范公出蜀時。

悼贖齋內海君

亭亭獨鶴出雞群。人未盡君吾盡君。一夜建山風雨  
惡。登樓惆望北溟雲。

謁先瑩敬賦一絕

萬花飛盡雨如絲。骨肉携來拜墓碑。莫使祖靈飢  
食。犬豚不及李鴉兒。

節齋曰自連山如  
波濤句鏗出妙  
栗邨曰滄海桑田  
無限感慨著筆老  
成味亦無限讀者  
或不知也

抵由良村有感

沿水茅簷七百煙。蘆深空港鷺兒眠。人間衰盛須臾  
裏。依舊高山綠漲天。

遊宮津海舟中作

舊知山水總如新。屈指曾遊四十春。舉網獲魚取微  
醉。一船甥姪笑言親。

天橋泛舟

澄江澈滌淨無塵。浪接長天夜若銀。露滴蘆花翻白  
雪。魚肥蓬竈斫金鱗。瓊瓏橫斷松三里。玉鏡斜懸月  
一輪。爭得文章輝萬古。不輸赤壁泛舟人。

百峰曰可與巖島  
作并讀各知其妙  
雲如曰七律中壓  
卷

城崎客中作

南洋曰起手起九可慶  
栗邨曰突然入景是作家手段  
又曰結得含蓄  
雲如曰寫出湯山景狀逼真

高山如環屏。長江碧無涯。造物出氣火。鬼神用巧思。  
巖間一脈水。溫熱醫難醫。硝鹽氣徹骨。硫鍊收瘡癩。  
幽谷春風度。百卉花上枝。遠密猶殘雪。水暖魚已肥。  
起樓三百戶。萬客無尊卑。都鄙憐同病。輿者起而歸。  
不讓起甌術。先哲論巧竒。饒舌亦無益。天下人所知。

瀨戶浦望海

南洋曰廿八字光焰萬丈讀之亦使人毛髮竦立  
百峯曰氣守眼光何其豁大南洋讀之破膽不亦宜乎

北海漫漫水拍空。山丹肅慎晚晴中。狂濤捲雪如雷吼。覆沒胡元是此風。

登大內嶺望天橋

雲如曰此詩亦是驅瘴鬼  
月洲曰有聲之画

山店翼然臨絕勝。天橋咫尺喚將鷹。蒼龍伏水三千丈。浦雨汀雲捲不騰。

抵田邊舟中

金岬東抽水作灣。受風短舸仄帆還。港門髣髴知何處。認得城南了起山。

過井原村

溪鳴林暗夏山深。險路蛇行瘴暑侵。僕馬已痛日將暮。登攀高嶺二千尋。

過本梅村

茅檐夾路接龜山。言是本梅十箇村。宿昔先人遊此

雲如曰三四真率

地。雲林何處結柴門。

嘉永戊申晚春與諸弟遊雙林寺

春雲歛雨半山晴。酒力蕩人詩未成。偏愛晚櫻花萬點。香風坐上雪無聲。

午醉醒來又喚觴。林深未卸晚櫻粧。春遊卜夜君休笑。月下風過雪有香。

贈若藩老岡君

智者利人潤如雨。仁者愛物和似春。義人斷事如刀利。忠臣比鍊磨不磷。勇與廢恥如水潔。信如四時不亂倫。能復禮者行中節。能克己者不謀身。誠意正心

百峰曰落句各佳  
月洲曰合讀二首  
方見筆力  
雲如曰兩首俱清麗

百峰曰語語句句  
金鍼度人  
月洲曰硬句似漢  
魏樂府中語

雲如曰醇儒之語  
我輩決不能言

先在我。致知格物延及人。象理條達無凝滯。不味鏡中不著塵。

書院夏日即事三首

千章夏木繞蒼牙。亭午濃陰涼味加。欲使一庭無俗氣。斬除樗櫟植梅花。

池映小欄山遠莊。水蘋風過夕陽香。隔牆時聽兒曹喜。釣得紅鱗一尺長。

芭蕉陰暗夕陽收。婢辨晚餐屠芋球。浴罷東軒迎月坐。喫茶情味爽於秋。

為書院買田數頃有作

月洲曰三首工力  
相敵只此篇細膩  
尤可喜

百峰曰得意滿面

薄田購得百弓餘。茅屋藏書八九車。引水造池留隙地。半邊栽藥半邊蔬。

書所見

樹影山光乍滅明。煎茶解睡意殊清。急風驅雨如飛箭。撥撥撥欄葉戰聲。

聞有偷兒窺書院者戲作

稻熟黃雲四面連。家無守犬夜安眠。忽然暴客來窺見。愧我門牆不及肩。

已酉六月。城居苦熱。殆似坐甕。因避暑於東山書院。此夜雨至。爽氣可掬。如在別世界。喜賦

百峰曰極是不韻  
事偷兒何幸託名  
於集中

家接東山古梵宮。琴書來避軟塵紅。茅檐暑退三更雨。藤枕眠安一榻風。石火光中鬪長短。蝸牛角上競雌雄。此機消盡心如水。俯仰乾坤快不窮。

夜坐

雨驅秋暑夜蕭然。讀了明明德一篇。不向山僧求妙諦。毒龍蟄伏在丹田。

奉謙綾部侯辱臨書院

曾聞說道者。未見行道入。賢侯魏桃洞。力行世無倫。後園手自耘。粒粒知苦辛。吐握下寒士。儉素賑窮貧。竒翫視如土。道義唯是珍。方今末學弊。何人得正醇。

百峰曰字字為疾  
寫真百世如見其  
人

月洲曰錄如是方  
是行道之人起結  
相顧毫不滲漏

雲如日不假藻飾  
性情吐露

洙泗流分派。尼山近難臻。幸有性命說。乾坤可見垠。  
儒屬屠龍藝。教歸緇衣身。閨闈春風暖。官路堆黃塵。  
獨出熱鬧窟。持操不磨磷。朱雀賜宴日。譏虛問經綸。  
綿袍與布袴。眉宇溫於春。小人窺管眼。安知賢侯真。  
唯拂紛華盡。扮抹菜色民。

宮津侯微服冒雨辱臨書院敬賦此詩奉謝

大江山神秀。天橋海風雲。相鍾出英主。規模世無羣。  
視民如赤子。力行人所聞。時維尚文運。期君立奇勳。  
匹夫徒自信。經濟志纔存。今無杜少陵。猶有嚴使君。  
誰圖奔輿馬。步入荆棘村。芒鞋與竹杖。衝雨叩柴門。

出石侯辱臨書院賦呈

翩翩五馬入荒蕪。不向春山訪勝區。白屋索然無物  
獻。苦言一幅代醍醐。

綾部侯再臨賦呈

野生守拙與人疎。一顧茅堂恩有餘。不料東山幽僻  
地。華門再駐使君車。

偶成二首

閑花風外盡。新葉雨中伸。鳩語知何意。喃喃似訕人。  
萬竹交松檜。桑麻自作邨。人間逢此境。何必羨桃源。

題画二首

貞亮曰第三句原  
作書屋曾無獻君  
物余請改之先子  
叱曰汝敢議吾詩  
何其長喙既而曰  
汝句較佳遂改其  
包容人率類此

百峰曰脫卸扮飾  
自見天真

雲如曰元入小品

月洲曰語奇矣却  
不如前篇淡雅

雲脚舒還卷。幽人詩未成。前山新過雨。屋後急泉聲。  
短舸維沙嘴。柴門枕石磯。山妻藏酒久。翁亦得魚歸。

六言二首

層巒疊嶂臨水。翠竹青梧逸家。採藥人何處去。雨餘  
山茯苓多。

石丈苔斑倚樹。龍孫甲解登天。窺窓山鳥無語。憑几  
詩人穩眠。

秋日即事三首

淨几焚香靜坐。萬書堆裏心胸。梧桐窓外山月。松竹  
寺中曉鐘。

十畝花開百種。一池竹逸千竿。田園費糞培力。有客  
黃梁可餐。  
霜前舍北黃菊。雨後山頭白雲。打稻隣家笑語。閑人  
寫了詩文。

題日根對山画山水

老檜古松陰翳鬱。竒巖異石勢崔嵬。雲煙何怪肆舒  
卷。灑出胸中好麝煤。

釋迦出山圖

金毛獅子氣吞山。脫屣王家終不還。檀持蓂花餐未  
盡。手丸三界示人間。

月洲曰語奇意超  
能仁亦當首肯



見性偈示宗仙禪師

雪飛枯木忽生花。方丈禪房自有涯。除却雙眸無黑白。不論弓影本非蛇。

題林氏水亭

家住琵琶湖水濱。雪山倒影晚晴新。中秋最是風光好。萬頃瑠璃月一輪。

題奧村氏水亭

背山枕水小茅茨。湖上風煙滿眼奇。有蕻養魚能醉客。一團和氣舉杯時。

出山途上

雲如日自然

月洲曰派屢

二月山村雪未融。凍雲斷續暮寒中。誰家籬落動春意。香迸梅花一樹風。

嘉永康成四月拜伊勢太廟恭賦

積翠森祠宇。清風拂熱塵。群黎脫夷類。神聖立彝倫。皇紗乾坤古。王正日月新。茅茨仰愈貴。明鏡照卑民。

伊勢道中

脫却京華十丈塵。薰風野外拂衣巾。政聲不翅文兼武。浴道曾無菜色民。

謁藤堂少將公於偕樂園辱見示高文時沿海

百峰曰肅肅雖難雲如曰前後二聯頗似杜陵長律中句

百峰曰其為過津城作可不問而知也

多事。因賦此奉呈。

眉宇巍然維嶽高。雄文倒海亦何豪。也知夷艦來難  
近。筆底驚風起大濤。

紀伊道中

朝發江州夕宿泉。東奔北走欲無年。迂生亦有憫農  
志。喜見麥田黃接天。

宿岸城奉呈南山老公。

老公愛何沉。延見及野人。野人語囁囁。老公聽諄諄。  
疎狂無所取。宏度下問頻。布袴與綿袍。晚食不重珍。  
丕德兼文武。深知民苦辛。蘆簾掛明月。竹几風拂塵。

嗣君賢且孝。讀書事明倫。化俗莫如教。勸士在先身。  
弦誦滿城下。和占四時春。救荒策又富。封內無飢民。

與櫻井伯蘭同寓燕尾樓賦示。

清流涵月潤如湖。雲卷雲舒似画图。一醉一醒同撫  
景。君頻呼酒我呼茶。

浪華觀天滿神會

暑穉萬瓦恰如熬。人趁夕涼三大槁。琥珀醇醪水晶  
碗。綾羅裙帶木蘭橈。炬光照夜雲霄熱。鼓響鬪雷山  
岳搖。憶起豐公未成霸。蘆花秋老雨蕭蕭。

題諫川氏別墅在浪華

月洲曰讀到結末  
爽然自失在此熟  
閑中誰憶及古浪  
花者  
雲如曰結末轉喧  
麻筆端有力

山入西窓弄夕蒼。荷花出水水風香。君家清福殊堪羨。八十孺人猶在堂。

訪諫川氏寓居在京師

謾謾清風百尺松。乾瀉爐鼎響相從。苦茶一啜涼如水。月在東山第二峰。

與平塚操軒同訪梭隱郊居

織錦村前處士家。菜花堆裏路三叉。書窓管領全都會。不怪筆端飛彩霞。

嵐山看楓

一半青松一半楓。十分秋色落暉中。不須更向高雄

貞亮曰此詩在今日當移贈對山人

去。徒賞尋常樹樹紅。

遊鞍馬山

溪聲隔竹響喧然。林缺梵宮斜照懸。山鬼鬪刃痕在石。牛郎陳跡草如煙。

又

牛郎要報我家讎。擊劍夜將山鬼遊。借問酣眠平相國。鴛鴦衾暖夢安不。

小督墓

滿庭白露夜如銀。寂寞西郊月一輪。陳跡于今餘片石。無情艸沒有情人。

月洲曰結句似俳諧

貞亮曰先子屢書此詩蓋係得意之作

月洲曰自礮溪作釣日璇室酣眠時鏹鑄來

雲如曰倉山派冰

百峰曰千古苦心有復如這姬者乎先生不得不為之分疏也

百峰曰王孟遺響雲如曰四十字不著一點俗氣五六最妙

常盤冒雪圖

雪沒前途凍且飢。枉將眉斧護三兒。白旗西海翻天日。一洗當年鐵面皮。

暮秋偶成

牀頭書數卷。門外竹重圍。夢入煙霞遠。心將世俗違。閑雲時出岫。小雨忽過扉。溪友相逢問。茯苓肥未肥。

日涉園

三畝藥園方丈堂。春耕秋獲兩匆忙。芎歸經雨花全斂。柚橘先霜實半黃。一脈清泉宜洗耳。滿池蓮子足滋腸。此中幽趣君知否。又有主人風骨香。

月洲曰四句可見人品七八結得健

上甲生來寓書院往訪之

不向城中住。亂書堆裏人。松喬無俗骨。梅癸有精神。淡粥寒厨曉。苦茶幽院春。知君方寸裏。清淨絕纖塵。京師大尹鯖江戾。招飲賦此奉謝。

百峰曰傑作雲如曰三四宋調

虛襟愛士好相從。眉宇高於比叡峰。朝有瑞光新旭上。門無健訟夕陽春。胸中海嶽能容俗。筆下雲煙忽走龍。心醉不知官漏盡。三更月在外城松。

辛亥仲冬。西尹淺野榊堂君招飲。席上賦此呈謝。君所至稱職。性又風流善書畫。此詩誌其實。清容綽綽博憐才。和氣滿堂春欲回。看取使君樂山

月洲曰梅堂君韻人也故紀其實乃亦有韻

意董峰倪壑畫崔嵬

兩市尹辱臨書院賦此奉謝

高卧東山一懶夫。何圖與馬莅荒蕪。迂踈每被時人笑。唯有賢臺容我愚。

攬暉牛窪君致仕來寓書院喜賦奉呈

勝槩名區到處尋。松風蘿月是知音。多君能歛如霓氣。螢雪堂中求道心。

冬日賦示牛窪園木二君

胸中應有別乾坤。來住東山幽僻村。禿髮儒翁高學藝。長眉國老富談論。松聲半日和茶鼎。雪色千林擁

月洲曰冷淡風致是主人所以待客

葦門快活不知嗔。坐久梅邊迎月已黃昏。

臘尾書懷

霜雪殘年滿鬢絲。欲酬造化逞神奇。是非不向人間說。一片丹心天地知。

患疫

毒邪來襲我猖獗。勢將狂耳熱松濤起。眼昏燈火黃。萎肢如蚯蚓。瘦骨似螳螂。此際看虛實。人間無秘方。

養病

氣喘嘗精疏。舌乾啖冷柑。嚴霜風勢北。短景日光南。未讀書堆架。已臨帖挿函。隣家知字友。夜雨剪燈談。

雲如曰英氣隱然衝星斗

月洲曰句法可愛抑又養生良方蘇詩因病得閑殊不惡今誦此篇覺病

亦可愛

百峰曰自家寫神

詠寒梅

一樹槎牙立野塘。美人月下試新粧。肯將容色媚時俗。雪裏魁春獨自香。

題畫

枯木寒鴉暮景長。堤古岸殘霞。漁舟有醉鄉樂。山寺無塵世譁。

題畫梅

萬木摧殘百草黃。天荒地老月如霜。男兒須學梅花樹。獨耐嚴寒放猛香。

壬子元旦

雲如曰六言詞家所難先生容易為之敬服

月洲曰作者酒量之小可見

四明峰外散朱霞。朝氣蒼蒼十萬家。不用梅邊覓春信。一杯斟酌酒眼花。

偶成

紅暎影動讀書帷。睡起山人無事時。自笑心機機未盡。又留敵手鬪殘棋。

雪朝牧百峰大士信二兄見來訪同賦

凍雲簇簇半天收。疊嶽當欄白玉抽。幸有故人裁好句。雪朝佳趣屬吾樓。

探梅

溪南茅屋兩三家。雪解籬根草露芽。童子早知詩客

百峰曰伴占主人皆已登仙為之悽然

馬氏言金卷二  
意。報言橋畔綻梅花。

初春偶成

節暖梅開早。窓前月未圓。春風書一架。夜雨竹千竿。  
寫字欲追旭。綴文聊擬韓。若來痴更甚。自掛壁間看。

牛窪園木二君見來訪。賦謝。

柴門一夜客來敲。破竈寒庖酒欠肴。快話如流爐火  
冷。殘蟾低在古梅梢。

津藩平松樂齋翁見訪。賦呈。

演武講文曾育才。分明懷抱為吾開。雜蔬粥飯人知  
食。逸屋桑麻君自培。身著布袍如槁木。胃藏矛戟似

寒灰。救荒策及無名草。闔國疲民春欲回。

示樂齋翁

大儉吝人力。大利爭毫釐。小利走捷徑。小儉就平夷。  
吝力財常足。吝財獲利卑。大惠懲惰慢。小惠勸所施。  
務本者勸農。趨末者財靡。化俗莫若教。富國在無私。  
日月無停息。消長有四時。天真爛漫際。何物不吾師。

津藩藤堂多門君辱臨書院。賦呈。

萬松高處讀書臺。春盡園林新綠堆。唯有映山紅未  
褪。青樽相照勸君杯。

湖山生見贈自著百律。賦謝。

百峰曰翁以韵語  
發議論此類甚多  
不可以常度規也  
月洲曰大儉吝人  
力此意人或不解  
又曰此篇所語現  
宰官身說法者

詩名幾歲聽轟雷。百律初知八斗才。家在東山松竹裏。掃除筆硯待君來。

齊藤拙堂見訪有詩。次韻謝之。

偉語堂堂策出群。始知遠識過曾聞。關西學士皆收衽。府下列侯爭刻文。詩格清同湖上月。才鋒健掃海東雲。勿言儒術屠龍技。補助經綸獨有君。

與拙堂同飲于鴨涯酒樓

六六峰前月一輪。清添涵影似鎔銀。高樓美酒對佳客。着好詩來也絕倫。

送小田百谷遊彦根

雲如曰天倫樂事不堪健羨

濁酒防寒晝掩扉。山留臘雪未抽薇。湖城春暖魚應美。分與錦鱗三尺肥。

晚春與諸弟飲於雙林寺

櫻花經雨半成塵。高柳參差綠已勻。兄弟同遊天下快。醉看鴨水萬家春。

又

圓邱之外六街東。暗紫明紅薰午風。宴集吾家佳子弟。大杯引滿笑談中。

又

煙晴脩竹滿欄青。風過殘花落日馨。絃管聲休餘興

月洲曰亦豪亦幽寫得有趣



在亂啼鶯語舉杯聽。

又

對酌皆兄弟。殘花猶作容。春深鶯語緩。雨霽綠陰濃。  
如意黃昏月。知恩午夜鐘。闌更吟未倦。奴僕促歸筇。

哭山中春嶺

二豎膏盲無術攻。刀圭恨我不成功。知音仙去山河  
遠。金液燒餘丹鼎中。

書院春日

茅屋成村八九家。逸池春菜恣抽芽。山人只喜多閑  
暇。點檢夕陽籬落花。

月洲曰如意知恩  
端的妙對

百峰曰妙在不經  
意

蓬翁羽倉君見臨書院賦此奉謝

僻邑荒村遍履痕。來敲枳棘寂寥門。芟除惡艸佐嘉  
穀。收攬奇男聽苦言。立事英雄辨頃逆。讀書胸臆別  
乾坤。知君奉職心如水。不負明君拔擢恩。

春雨書喜

料峭春寒野草萎。麥苗抽地細於錐。東郊衝雨誰言  
苦。百草蘇回驟暖時。

種牡丹

王公第宅種斯花。魏紫姚黃向客誇。儻使艷粧能解  
語。肯來落寞野人家。

月洲曰贈平松羽  
倉二翁皆寫得宛  
然如見其人真傳  
神手

月洲曰聞山人養  
解語花則此語未  
必然

大邨潘澁江君卜居鴨涯賦贈。

要途解職意悠悠。高卧鳧川第二樓。請省京華好風景。穩於煙水五湖舟。

賀平塚士梁六十初度

官海多年涉險危。忽從晚節就平夷。水嬌山咲迎還送。竹笠芒鞋藜一枝。

又

壽宴欣迎六十春。梅花冒雪一番新。收藏天馬騰空氣。長作昇平遺逸人。

新見侯賜宴於三樹樓

雲如曰二首脫賀詞舊套殊覺超九

東山當戶綠崢嶸。雨過鳧川午熱清。卜夜不須逃酒去。一欄涼影月三更。

和平塚操軒浴溫泉途中作

山陰無處不噴坑。一路東風向但丹。春晚辛夷花未盡。夜深杜宇月猶寒。天橋短舸添詩健。城崎溫泉覺體安。同病相憐十餘歲。名區何日共遊觀。

初秋書感

瓜菓秋來好療飢。芭蕉葉大可書詩。人生窮達任天意。歎我鬢霜無術醫。

謝藤井竹外見訪書院

雲如曰前聯清新

南洋曰烈士暮年壯心不已

湘帙半床相對閑。村醪雖薄且開顏。茅檐何物尤當意。展出米家千仞山。

中秋即事

芭蕉風斂露無聲。山月離松夜氣清。軒不懸燈書可讀。蘆簾竹榻坐三更。

又

萬松堆裏便吾家。月上山光樹影多。莫出寺門覓詩伴。隣僧也是解吟哦。

書院月夜歌

吾營南向宅。闢窓更向東。庭前松稷稷。掛月落簾櫳。

雲如日頗似真山

百峰曰一時叙情作者唯自知讀者不解到也

月似有情者。來照方寸中。白露夜靜寂。砌邊鳴寒蟲。百感集心緒。雲出月朦朧。吾有不味鏡。月無清明窮。有物來為翳。吾心與月同。月虛忽生晦。心實百感融。研磨不留跡。物理要貫通。吾欲學明月。一氣滿太空。

書院歸路作

東郊一路月黃昏。滿袖清風拂熱痕。解道今年秋熟早。連枷聲起隔溪村。

又

露氣蟲聲夜色奇。清風吹袂影參差。月明鴨岸人方散。何處涼棚著好詩。

雲如日平淡中有妙處

夜坐

月上欄干夜色晴。秋高萬瓦露華清。老來客氣消磨盡。一卷道書甘似餽。

書院喜雨

沛然甘雨百禾蕪。四野謳歌酒滿壺。中有萬書堆裏客。亦停鉛槧手烹茶。

菊

晨霜夜雪五分秋。籬下花開似綵球。深紫淺黃能耐久。牡丹雖艷讓君優。

竹

百峰曰二句竹君真影

虛心處在真君子。貞節持身烈婦人。不假紛華與修飾。一叢濃翠四時春。

癸丑元旦

身似寒蟬心欲灰。老驅迎歲骨崔嵬。杯行久一豈無歎。家有病妻春未回。

貞亮曰一讀使人愀然不樂

樂齊翁遙贈梅花一枝。系以佳句。次韻酬答。

占斷東風第一春。銅瓶插著素花新。巖霜溪雪何侵得。匹似忠肝義膽人。

題山水圖

溪流八九曲。巖翠百千尋。此際何人住。中彈太古琴。

中秋曰直入韋柳之境矣

題中西耕石雪景圖

寒林花的皪。峻嶺玉崔嵬。驢背人呵手。衝寒去訪梅。

閑適

賣藥餘生可樂。讀書高士相逢。泥龜曳尾踈態。非學南陽卧龍。

又

隙地十弓結草廬。幽棲鎮日只看書。住山初識吾木拙。不及閑雲肆卷舒。

書院漫興

踈拙任他笑。寸心得失知。理方愧無妙。繹道苦多歧。

中秋曰志擬可想

瓜菓追晴熟。蕉荷經雨歇。蝸牛涎作字。工似我書詩。

又

一逕連鳧水。布衫追早涼。晴畦撞雪白。秋樹橘金黃。

松瘦無凡骨。蘭開有美香。隣農新釀酒。對酌倚斜陽。

又

辨得菜村十畝田。老軀無恙一炊煙。黃梁滿碗香堪飽。充肉芋魁肥似拳。

又

芭蕉葉爛石榴丹。宿雨初晴日上欄。菘畝芋畦充晚摘。薑芽豆莢供朝餐。生前富貴非吾願。身後聲名向

月洲曰松瘦無凡骨比前松喬無俗骨更奇  
雲如曰五六自家傳神

雲如曰勝博取十年宰相

古省。夜課翻書未。叔卷。孤燈寂寞鬢霜寒。

又

半生辛苦事皆迂。寄跡東山塵欲無。雨後楓紅澣猩  
血。霜前菜美壓豚腴。留人幽院書千卷。迎月小樓松  
萬株。誰向都門爭著脚。世途何處不崎嶇。

又

抄冬氣白夕陽微。夜雪侵肌身欲癢。萬木摧殘山骨  
瘦。衆蔬枯盡土酥肥。息心物外知今是。遊跡天涯悔  
昨非。不讓西湖林處士。梅花堆裏掩柴扉。

驅豎齋詩鈔卷之二終

月洲曰山人家風  
不堪健美

集中詩係書院者  
極多鈔出殆無遺  
漏蓋非嬉笑吟  
集而存之不足以  
想見其人故也庚  
申清和月十又八  
日牧觀謹記

鬼字國子何人。字木亦知名。自惜

豪傑士。徒尔老昇平。儒學世無  
用。吏務煩不勝。何似軒岐術。百  
多活生靈。發憤忘寢食。負笈千  
里行。紫紱入華洛。氣激如傾城。  
治不避卑賤也。自傲公卿。噫斯

醫國手。僅與二豎爭。狂懷何以  
。詩句有時成。天賦才毫銳。奇  
語鬼神驚。雄拔蘊玉局。閑澹王  
右丞。請看縱橫處。詞宗竟不能。  
讀駝豎齋詩鈔題其後

雲如山人淡



驅豎齋詩鈔新宮頌之著也。今茲丙寅春  
其義子貞亮進呈。余展而覽之。賞歎不啻也。  
向者頌之來越國。而渴余也。頌自書賤歎懷  
古二首贈前田修。以呈余。有好女入宮醜女  
仇。勺余弱齡。雖未知詩。頗感服。至今記之。見  
此編。唯載其一。首。欠此勺之詩。余甚惜焉。因又  
忽憶頌之顏兒魁梧奇偉。渴余。距今二十一  
年。今其詩存。而其人亡矣。悲夫。榮升逸人。

